



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dat Söunteinde Capitel Johannis/ van dem Gebede Christi

Luther, Martin

Magdeborg, 1531

VD16 L 6695

Rechtferdige Vader/ de werlt kennet dy nicht.

urn:nbn:de:hbz:466:1-34333

wente he en nicht hōger Kunde leuen/ ane dat he em
gelike ewige Godheit giffc / Solckes wert wol
izund geprediget vnde gelouet/ ydt ys dūerst noch
tgedeckct vnde schinet nicht / daromme moth ydt
wol vorflaret vñ tūmmer gedreuen syn dorch dat
word (alse he sūs lange her gedan heffc) so lange
dat wy ydt ane deckelse vñ vōrhang vor ogen seen.

Rechtferdige Vader / de werlt kennet dy nicht.

Dat ys ein nōdtig tosatt vnde mercklicke sprō
ke/darmede he de ogen vmmekert vp de werlt/ vñ
vth vūrigem herten sprickt / Ach leue Vader / wo
lett sich de werlt so gar nicht seggen noch predigen
dat se ydt ock mochte erkennen / Worumme heuet
he dūerst erst hir an ende an / den Vader tho pri
sen/ mit solckem titel / dat he en nōmet / Rechtfer
dige Vader/ vnde nicht so mer/ gūdige edder barm
hertige / edder alse bauer / Sillige Vader / Edder
wat isset vor ein groth ding/ dat he dat van predi
get vnde so vele festes darauer maket / wol weth
dat vōrhen nicht ?

Antwort/ Ze heffc (alse gesecht) vp de stun
de gebrand ynn synem herten / vnde torūgge ge
seen vp de werlt / de dat word slichtes nicht hören
noch liden wil / sonder io mer men ydt prediget/ io
vnsinniger se wert / So se doch billicke scholde
darna lopen

Darna lopen baruotes / ia vp den Enyen Frepen/
wente ant ende der werlt / vnde me dregt ydt er vōc
lutter vimmesūs / ia darto vor grote mechtige vno
dōget holdt / darmede se ydel torn vñ ewige straffe
vordenet hedde / Vnde schal ydt noch darto nicht
annemen noch daruōr dancken / sonder vppet hōges
ste vorfolgen / lastern vnde schenden / dat he moth
rōmen vñ seggen / Du bist io ein rechtferdig Godt /
deist wol vnde recht / dat du solcken vnderschedt
makest / twisschen den / de van der werlt sint / vnde
de du my gegeuen heffst / nōmliken / dat du desse
vthmerckest vnde tho my bringest / dat se bliuen
wor ic bin / vnde lest de andern varen / wor se
henne hōren / alse den doch nicht tho raden noch
tho helpen ys.

Wente also mōthen ock wy sūluest endlick rō
men / wedder de werlt / dewile wy dat Euangelion
so apenbar vnde rycklick vōrgedragen / vñ allent
darto gedan wat vns gehōrt / vnde nichtes vnder
laten hebben / wat dar mōchte helpen se tho befe
ren / mit predigen / vormanen / leuen / denen / dragen
warnen / schrecken vnde drowen / darto allerley li
den / vorgeuen / vnde vor se bidden / Vnde Summa
vp allerley wise vorsocht / mit vnser swaren mōye
vnd arbeide / kost vnde vahr / vnde nu nichtes mer
tho lone frigē / als vndancf / vorachtinge / lastern
vorfolginge / der apenbar vñ erkandten warheit /
Wat scholde hir yemand anders seggen / denn dat
vns recht geschege / wenn Godt solcke gruwlike
vorstockede vndōget vnde lasteringe straffet / vnde

A v betalet

betalet mit Pestilentien / Frige / Törcken / Däueln
vñ allerley plagen / ane vphörent / dewile so gar
alle woldadt an vns vorlaren ys / vnde nēn gude
noch gnade helpen wil / Wente ydt ys tho hoch
vorsocht vnd auermaet / dat he nicht kan noch
schal dorch de vinger seen / dewile he sich so gar
vthschüttet vñ vns giff / mit allen güdern vnde
synem dāresten / leuesten vnde hōgesten schatte / vnd
de daruōt van der werlt liden moth / dat se en to
rügge stott / ia em vnder ogen spiet / vnde syn word
mit vōten tridt.

Darumme beslut he nu vnde sprickt / Leue Va
der / de werlt kent dy doch nicht / vnde wil dy nicht
kennen / efft ydt er wol apenbar geprediget / vnde
so klar vorgedragen wert / dat ydt en ynn de ogen
stott vñ nicht können löchenen / ydt sy de warheit /
Ick predige vñ segge en allēt / wat de rechte erkē
tenisse Gades sy / nōmliken / dat nichtes vor dy
gelde / denn de blote thouorsicht dyner gnade vnde
güdiheit vmmefās geschencket / vnde wo se dorch
my alle ding hebben möthen / So willen se my vñ
myn word wedder seen noch hören / ydt schal alle
nichtes syn / vnde ere ding / wisheit / gerechticheit
vnde werck schal allene gelden vñ alle ding vth
richten. Darumme deistu io hertlic recht / dat du
se lest ynn erer vorstockeden blindheit tho erem
Vader dem Däuel varen / dat se nichtes van myner
herlicheit wedder ym worde vñ erkētenisse des
gelouens / noch ynn tofāwenden yegenwardigem
anschouwende / seen möthen.

Ick ouerst